



# **SLUŽBENE NOVINE**

## **OPĆINE MAGLAJ**

**BROJ**  
**7/25**

**Maglaj, 27.6.2025. godine**

„Službene novine Općine Maglaj“  
Izdaje: Služba Općinskog načelnika i Općinskog vijeća  
Općina Maglaj, Viteška 4, Maglaj  
Za izdavača: Maid Suljaković – Općinski načelnik Maglaj  
Tel.: 032/465-810; Fax: 032/465-817; E-mail: [vijece@maglaj.ba](mailto:vijece@maglaj.ba)

**AKTI OPĆINSKOG VIJEĆA****104.**

Na osnovu člana 18, Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na 8. redovnoj sjednici, održanoj 26.06.2025. godine, donosi

**ODLUKU****o izmjeni i dopuni Poslovnika o radu Općinskog vijeća Maglaj****Član 1.**

Ovom Odlukom vrši se izmjena i dopuna Poslovnika o radu Općinskog vijeća Maglaj („Službene novine Općine Maglaj“, br. 2/9, 1/13 i 2/13) u odredbi člana 89. Poslovnika o radu Općinskog vijeća Maglaj:

Stav 1. se mijenja i glasi:

Glasanje je javno ako Statutom ili ovim Poslovníkom nije drugačije određeno i vrši se u pravilu korištenjem uređaja za elektronsko glasanje a u nemogućnosti istog, glasanje se može vršiti dizanjem ruke ili glasačkog kartona.

Javno odlučivanje putem uređaja za elektronsko glasanje provodi se na način da predsjedavajući poziva vijećnike da aktiviraju uređaje za elektronsko glasanje i da se pritiskom na odgovarajući taster izjasne ZA prijedlog, PROTIV prijedloga ili kao SUZDRŽANI u odnosu na prijedlog.

Svi vijećnici, koji su prisutni u momentu glasanja, dužni su se izjasniti na jedan od prethodno navedenih načina, a zatim predsjedavajući obavještava vijećnike da je glasanje okončano i proglašava rezultate glasanja na osnovu rezultata ispisanih na ekranu.

Vijećnici zadužuju, uz potpis, prije početka sjednice Općinskog vijeća, uređaje za elektronsko glasanje i iste vraćaju po završetku sjednice ovlaštenom uposleniku Službe Općinskog načelnika i Općinskog vijeća.

Ako vijećnik izađe u toku sjednice iz sale za održavanje sjednice, uređaj za elektronsko glasanje je dužan privremeno predati predsjedavajućem ili zamjeniku predsjedavajućeg Općinskog vijeća.

**Član 2.**

Ova Odluka stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1178/25

Maglaj, 26.06.2025. godine

**PREDSJEDAVAJUĆA**  
**Aida Bašić s.r.**

**105.**

Na osnovu člana 42, 43, 45, 46, 47, 48. i 50. Zakona o prostornom uređenju i građenju Zeničko – dobojskog kantona („Službene novine Zeničko-dobojskog kantona“, broj: 17/23) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na 8. redovnoj sjednici, održanoj 26.06.2025. godine, donosi

**ODLUKU****o usvajanju djelimične Izmjene Regulacionog plana „STARI GRAD ” Maglaj****Član 1.****(Vrsta dokumenta)**

Ovom Odlukom usvaja se djelimična Izmjena Regulacionog plana „STARI GRAD“ („Službene novine Općine Maglaj“, broj: 05/2011 i Djelimične izmjene Regulacionog plana „STARI GRAD“) („Službene novine Općine Maglaj“, broj: 06/24)

**Zahtjev Šečić Hajrudina iz Maglaja, po punomoćniku Advokatsko društvo HRNJIC I PARTNERI d.o.o. Žepče**

**Član 2.****(Granice područja za koje se dokument mijenja)**

Djelimična Izmjena odnosi se na korekcije Djelimične izmjene Regulacionog plana „STARI GRAD“ („Službene novine Općine Maglaj“ broj: 6/24) koja obuhvata područje I zone Regulacionog plana „STARI GRAD“ Maglaj, zemljište označeno sa k.č. broj: 1653 površine 574 m<sup>2</sup> k.o. Maglaj, posjednik Šečić (Mehmeda) Hajrudin sa dijelom 1/1, koje se nalazi u Starom gradu, odnosno ulici Mustajbega Uzeirbegovića.

Korekcijama Djelimične izmjene Regulacionog plana „STARI GRAD“ su izvršene izmjene lokacijske pozicije planiranog stambenog objekta, dimenzije i namjena stambenog objekta u poslovno-stambeni objekat tako da je lokacijska pozicija novoplaniranog poslovno-stambenog objekta dimezija 12,0 x 12,0 + 6,13 x 2,55 metara, spratnosti P+1 (prizemlje poslovna namjena +sprat stambena namjena) se pomjerila prema ulici Mustajbega Uzeirbegovića na udaljenost od **2,50** metara od planiranog trotoara saobraćajnice - ulice Mustajbega Uzeirbegovića , gdje je uspostavljena i građevinska linija planiranog objekta.

Navedene djelimične korekcije ne utiču na ostalo planirano stanje djelimičnom izmjenom Regulacionog plana „Stari grad“ i isto ostaje kako je to i prikazano u Prijedlogu djelimične izmjene, tekstualnom dijelu i grafičkim prilozima.

**Član 3.**

**Djelimična Izmjena Regulacionog plana sastoji se od Tekstualnog i Grafičkog dijela.**

**TEKSTUALNI DIO:**

Izvod iz urbanističke osnove

Projekcija izgradnje i uređenja prostora

Smjernice za provođenje Izmjene Regulacionog plana

**GRAFIČKI DIO: Tematske karte**

1. Izvod iz važećeg Regulacionog plana sa granicom obuhvata
2. Postojeće stanje prostornog uređenja
3. Postojeće stanje infrastrukture
4. Plan parcelacije
5. Plan namjene korištenja prostora
6. Plan Namjene i Razmještaja objekata
7. Plan saobraćaja
8. Plan regulacionih i građevinskih linija
9. Plan infrastrukture

**Član 4.**

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-1179/25

Maglaj, 26.06.2025. godine

**PREDSJEDAVAJUĆA****Aida Bašić s.r.****106.**

Na osnovu člana 42, 43, 44, 45. i 50. Zakona o prostornom uređenju i građenju Zeničko –dobojskog kantona ("Službene novine Zeničko – dobojskog kantona", broj: 17/23) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) Općinsko vijeće Maglaj, na 8. redovnoj sjednici, održanoj 26.06.2025. godine, donosi

**ODLUKU**

**o pristupanju djelimičnoj izmjeni Regulacionog plana "Centar Maglaj – sjeverni dio" – izmjena namjene obuhvata zone C1 (Kompleks „Motela“)**

**Član 1.****(Vrsta dokumenta)**

Ovom Odlukom pristupa se djelimičnoj izmjeni Regulacionog plana "Centar Maglaj– sjeverni dio" („Službene novine Općine Maglaj“, broj: 08/05) – **izmjena namjene obuhvata zone C1 (Kompleks „Motela“)**

**Inicijativa Općine Maglaj****Član 2.****(Granice područja za koje se dokument mijenja)**

Djelimična izmjena Regulacionog plana "Centar Maglaj – sjeverni dio" obuhvata zemljište u okviru obuhvata podzone C1, koji čini prostor

između ulice Ilijasa Smajlagića i rijeke Bosne, sa površinom od cca 1,5 ha, zemljište označeno sa k.č. br.904, površine 159 m<sup>2</sup>, k.č. broj: 905 površine 699 m<sup>2</sup>, dio zemljišta označenog sa k.č. broj: 907/1 ukupne površine 7405 m<sup>2</sup> i k.č. broj 906 površine 230 m<sup>2</sup> k.o. Maglaj.

Izmjenom Regulacionog plana „Centar Maglaj – sjeverni dio“ bi se u skladu sa Zaključkom Općinskog vijeća Maglaj broj: 02-04-1-799-6/25 od 29.04.2025. godine, mijenjala namjena obuhvata prostora podzone C1, te bi se u odnosu na određenu namjenu ove podzone Regulacionim planom „Centar Maglaj – sjeverni dio“, odnosno planiranu izgradnju rekreativno ugostiteljskog Komplexa „Motel“ sa pratećim sadržajima odredila druga namjena ovog prostora.

Urbanističko tehničke uslove će odrediti Nosilac pripreme – Općina Maglaj prema opredjeljenoj namjeni ovog prostora u skladu sa odredbama Odluke o provođenju Regulacionog plana „Centar Maglaj – sjeverni dio“.

**Član 3.****(Vremenski period)**

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja (Regulacionog plana "Centar Maglaj sjeverni dio").

**Član 4.****(Smjernice za izradu)**

Nosilac pripreme plana osigurat će Nosiocu izrade potrebnu dokumentaciju značajnu za donošenje izmjena i dopuna Regulaciog plana u skladu sa odredbama Zakona o prostornom uređenju i građenju.

**Član 5.****(Rok izrade)**

Rok izrade djelimične izmjene i dopune Regulacionog plana bit će određen Ugovorom potpisanim sa Nosiocem izrade izmjene Regulacionog plana.

**Član 6.****(Sadržaj i postupak izmjene planskog dokumenta)**

Djelimična Izmjena Regulacionog plana „Centar Maglaj-sjeverni dio“ sadržavat će dokumentaciju predviđenu Zakonom o prostornom uređenju i građenju Zeničko-dobojskog kantona („Službene novine Zeničko-dobojskog kantona“, broj: 17/23).

Postupak izmjene Regulacionog plana provodit će se u skladu sa članom 50. navedenog Zakona, stav 1. (redovni postupak).

**Član 7.****(Javna rasprava i javni uvid)**

Djelimična Izmjena Regulacionog plana "Centar Maglaj–sjeverni dio" sadržavat će dokumentaciju

predviđenu Zakonom o prostornom uređenju i građenju Zeničko-dobojskog kantona, a postupak izmjene Regulacionog plana provodit će se u skladu sa članom 50. navedenog Zakona, stav 1. (redovni postupak), javni uvid i javna rasprava

#### **Član 8.**

##### **(Finansiranje)**

Sredstva za izradu Izmjene Regulacionog plana obezbjedit će Općina Maglaj.

#### **Član 9.**

##### **(Nosilac pripreme)**

Nosilac pripreme plana je Općinski načelnik putem Službe za urbanizam geodetske i imovinsko pravne poslove.

#### **Član 10.**

##### **(Nosilac izrade)**

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju, Zeničko –dobojskog kantona .

#### **Član 11.**

##### **(Stupanje na snagu)**

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-1180/25

Maglaj, 26.06.2025. godine

**PREDSJEDAVAJUĆA**

**Aida Bašić s.r.**

#### **107.**

Na osnovu člana 8. stav 3. alineja 28. Zakona o principima lokalne samouprave („Službene novine Federacije BiH“, br. 49/06 i 51/09), te člana 12. stav 1. alineja 36. i u vezi sa članom 18. stav 1. alineja 10. , a u vezi sa članom 102. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08 ) i Odluke o izmjenama i dopunama Statuta Općine Maglaj broj: 02-04-1-1028/24 od 08.07.2024. godine („Službene novine Općine Maglaj“, broj: 06/24), Općinsko vijeće Maglaj, na 8. redovnoj sjednici, održanoj 26.06.2025.godine, donosi

#### **ODLUKU**

##### **o imenovanju povjerenika MZ-a na području općine Maglaj**

#### **Član 1.**

Ovom Odlukom imenuje se :

- za povjerenika MZ Donji Rakovac; - Blago Mišić

- za povjerenika MZ Jablanica; - Damir Nalić
- za povjerenika MZ Bijela Ploča; - Mehmedalija Arnautović
- za Povjerenika MZ Ulišnjak; - Safet Dedić
- za povjerenika MZ Straište; - Ajdin Avdić
- za povjerenika MZ Krsno polje – Bakotić; - Milenko Petrović
- za povjerenika MZ Bočinja; - Enes Imamović
- za povjerenika MZ Kosova; - Enes Sejmenović
- za povjerenika MZ Moševac; - Safet Pridjelčić
- za povjerenika MZ Ravna; - Emir Kalabić
- za povjerenika MZ Oruče, - Almir Hajdić
- za povjerenika MZ Misurići; - Omer Hasanić
- za povjerenika MZ Liješnica; - Elvir Čamić
- za povjerenika MZ Bradići; - Rasim Hasić
- za povjerenika MZ Radojčić; - Marinko Kelavić
- za povjerenika MZ Novi Šeher; - Nedžad Alispahić
- za povjerenika MZ Brezove Dane; - Eldis Kusur
- za povjerenika MZ Čobe; - Adnan Meškić
- za povjerenika MZ Kopice; - Mustafa Mehmedović
- za povjerenika MZ Maglaj grad; - Fuad Čičkušić

#### **Član 2.**

Povjerenici iz člana 2. ove Odluke će obavljati poslove organa Mjesne zajednice za koju su određeni.

Povjerenik je dužan provesti proceduru izbora i imenovanja organa Mjesne zajednice u skladu sa odlukama Općinskog vijeća i zakonskim procedurama, a na osnovu uputstva o provođenju izborne aktivnosti za organe mjesne zajednice koje će donijeti Općinsko vijeće Maglaj u roku od 90 dana.

#### **Član 3.**

Ova Odluka stupa na snagu danom donošenja, a mandat povjerenicima počinje teći 30 dana od dana stupanja na snagu ove Odluke i bit će objavljena u „Službenim novinama Općine Maglaj“.

Broj: 02-45-1-2754/25

Maglaj, 26.06.2025. godine

**PREDSJEDAVAJUĆA**

**Aida Bašić s.r.**

**108.**

U skladu sa članom 8. i 13. Zakona o principima lokalne samouprave u FBiH ( „Službene novine Bosne i Hercegovine“, broj: 49/06) i Pravilnikom o održavanju javnih cesta, donesen od strane Federalnog ministarstva prometa i komunikacija („Službene novine Federacije BiH“ broj: 57/15), na prijedlog Općinskog načelnika, Općinsko vijeće Maglaj na 8. redovnoj sjednici, održanoj 26.06.2025. godine, donosi

**Plan i programa održavanja, sanacije i uređenja lokalnih i nerazvrstanih cesta i gradskih ulica sa finansijskim pokazateljima za 2025. godinu**

**I Opće odredbe**

Ovim planom i programom definiše se održavanje, rekonstrukcija, upravljanje cestama, planiranje, gradnja, ugovoranje i ustupanje radova, zaštita cesta i uvjeti odvijanja prometa na cestama, kao i druga pitanja od značaja za općinu na nivou lokalnih i nerazvrstanih cesta.

Obim, vrsta, vrijednost i dinamika izvođenja radova na održavanju, zaštiti, rekonstrukciji i izgradnji lokalnih i nerazvrstanih cesta u skladu sa planiranim budžetskim sredstvima utvrđuje se ovim Planom i programom, koji donosi Općinski načelnik, a saglasnost na predmetni dokument daje Općinsko vijeće općine Maglaj.

**II Pojam i kategorizacija cesta**

Cesta je svaka javna površina na kojoj se odvija promet. Ceste se dijele na javne i nerazvrstane.

Javne ceste, ovisno o njihovom društvenom, ekonomskom i teritorijalnom značaju, mogu biti:

- Autoceste – nadležne Autoceste FBiH
- brze ceste – nadležne Autoceste FBiH
- magistralne ceste – nadležne Ceste FBiH
- regionalne ceste – nadležna Kantonalna direkcija za ceste
- **lokalne ceste – nadležna Općina**
- **nerazvrstane – nadležna Općina.**

**Lokalne ceste** povezuju naselja u općini sa naseljima iz susjednih općina ili povezuju važnija naselja unutar općine te povezuju saobraćaj na druge javne ceste iste ili više kategorije.

Na području općine Maglaj definisano je 20 lokalnih putnih pravaca sa ukupnom dužinom od 76,90 km i to 62,34 km sa asfaltnim kolovozom i 14,56 km makadamskog kolovoza.

**Tabelarni prikaz lokalnih cesta na području općine Maglaj:**

| R/<br>B | NAZIV<br>PUTNOG<br>PRAVCA                     | DUŽINA PUTA (km)    |                       |              |
|---------|-----------------------------------------------|---------------------|-----------------------|--------------|
|         |                                               | Asfaltni<br>kolovoz | Makadamski<br>kolovoz | Ukupno       |
| 1.      | Bijela Ploča-Jablanica-Donji Rakovac          | 5,20                | 2,30                  | 7,50         |
| 2.      | Jablanica-Gornji Rakovac (vodovod Smajlovac)  | 1,92                | 1,28                  | 3,20         |
| 3.      | Borik-Gornji Ulišnjak                         | 4,40                | 0,0                   | 4,40         |
| 4.      | Donji Ulišnjak-Straište                       | 2,00                | --                    | 2,00         |
| 5.      | Donja Bočinja-Gornja Bočinja                  | 2,10                | 2,40                  | 4,50         |
| 6.      | Donja Kosova-Topola-Šljivice                  | 3,90                | 0,40                  | 4,30         |
| 7.      | Donja Kosova-Polje                            | 1,80                | --                    | 1,80         |
| 8.      | Donji Moševac-Gornji Moševac-Ravna            | 4,20                | 0,00                  | 4,20         |
| 9.      | Bistrica-Ravna                                | 5,00                | --                    | 5,00         |
| 10.     | Ravna-Oruče                                   | 2,00                | --                    | 2,00         |
| 11.     | Misurići(petlja)-Ošve-Oruče                   | 3,30                | 6,80                  | 10,10        |
| 12.     | Liješnica-Petlja-Gornji Bradići               | 8,00                | --                    | 8,00         |
| 13.     | Fojnica-Donji Bradići                         | 1,90                | --                    | 1,90         |
| 14.     | Gornja Liješnica (mlin)-Tujnica               | 2,80                | --                    | 2,80         |
| 15.     | Novi Šeher-Strupina-Tujnica                   | 5,00                | 0,00                  | 5,00         |
| 16.     | Novi Šeher-Mladoševica-Domislica-Brezove Dane | 2,82                | 1,38                  | 4,20         |
| 17.     | Novi Šeher (raskrižje)-Galovac-Tujnica        | 3,00                | 0,00                  | 3,00         |
| 18.     | Novi Šeher-Pire                               | 1,00                | --                    | 1,00         |
| 19.     | Mladoševica-Brezove Dane                      | 2,00                | --                    | 2,00         |
|         | <b>UKUPNO:</b>                                | <b>62,34</b>        | <b>14,56</b>          | <b>76,90</b> |

**Nerazvrstana cesta** je površina koja se koristi za promet po bilo kojoj osnovi i koja je pristupačna većem broju korisnika.

Prema podacima sa terena na području općine Maglaj ima 59,60 km nerazvrstanih cesta i to sa asfaltnim kolovozom 43,92 km i makadamskim kolovozom 15,68 km.

**Tabelarni prikaz nerazvrstanih cesta na području općine Maglaj:**

| R/<br>B | NAZIV<br>PUTNE<br>DIONICE        | DUŽINA PUTA (km)    |                       |        |
|---------|----------------------------------|---------------------|-----------------------|--------|
|         |                                  | Asfaltni<br>kolovoz | Makadamski<br>kolovoz | Ukupno |
| 1.      | Moševac (Lanište)-Raskršće-Škola | 1,50                | --                    | 1,50   |
| 2.      | Moševac (Lanište)-Brkića Sokak   | 1,40                | --                    | 1,40   |
| 3.      | Raskršće-Vehabovići              | 0,40                | --                    | 0,40   |
| 4.      | Lanište -Raskršće-Hasanbašići    | 0,40                | --                    | 0,40   |
| 5.      | Moševac-Husakovići               | 0,90                | --                    | 0,90   |

|     |                                               |              |              |              |
|-----|-----------------------------------------------|--------------|--------------|--------------|
| 6.  | Donja Kosova-(M17)-Selo(Dom MZ)               | 1,00         | --           | 1,00         |
| 7.  | Topola(raskršće)Džamija (G.Kosova)-Husići     | 1,50         | --           | 1,50         |
| 8.  | Oruče(drum)-Selo                              | 1,00         | --           | 1,00         |
| 9.  | Ravna-Kalabići                                | 0,67         | 1,13         | 1,80         |
| 10. | Ravna-Zelenike                                | 0,57         | 0,23         | 0,80         |
| 11. | Ravna-Muminovići                              | 1,20         | --           | 1,20         |
| 12. | Čakalovac-Plane                               | 1,20         | --           | 1,20         |
| 13. | Bijela Ploča(regionalni put)-Puljače          | 0,10         | 0,60         | 0,70         |
| 14. | Bijela Ploča(regionalni put)-Parnica          | 0,30         | --           | 0,30         |
| 15. | Bijela Ploča(bunker)-Donja Polja              | 1,00         | --           | 1,00         |
| 16. | Jablanica(most Bajrići)-Gornji Rakovac(škola) | 0,22         | 3,68         | 3,90         |
| 17. | Čakrama(most)-Lukići(selo)                    | 2,00         | --           | 2,00         |
| 18. | Relote(selo)-Sićanica                         | --           | 1,60         | 1,60         |
| 19. | Mladoševica(raskršće)Gajići-Letice-Dunderi    | 2,70         | --           | 2,70         |
| 20. | Brezove Dane-Lugovi(drum)                     | --           | 3,10         | 3,10         |
| 21. | Domisliza(selo)-most (Čobe)                   | 1,80         | --           | 1,80         |
| 21. | Čobe(Luke)-Čobe(selo)                         | 1,50         | --           | 1,50         |
| 22. | Kopice-selo                                   | 2,50         | --           | 2,50         |
| 23. | Kopice (autobusna)-Hatkinje njive             | 1,80         | --           | 1,80         |
| 24. | Donji Ulišnjak(regionalni put)-Šiprage        | 1,00         | 0,30         | 1,30         |
| 25. | Donji Ulišnjak(regionalni put)-Isići          | 0,70         | 0,30         | 1,00         |
| 26. | Moruša-Šiprage                                | 0,36         | 0,84         | 1,20         |
| 27. | Straište(selo)-Ruvića Brijeg                  | 1,00         | 1,80         | 2,80         |
| 28. | Donja Bočinja-Jošavac                         | 0,80         | 0,70         | 1,50         |
| 29. | Jelovac(petlja)-Kraljevac-Smriječje           | 1,60         | 0,00         | 1,60         |
| 30. | Jelovac(petlja)-Jelovac(autobusna stanica)    | 1,30         | --           | 1,30         |
| 31. | Misurići-Hadžići-Stari mejtef                 | 1,40         | 0,00         | 1,40         |
| 32. | Misurići(Bor)-Hrnjići(Koreja)                 | 0,40         | 0,40         | 0,80         |
| 33. | Misurići(Bor)-Mašići-Memiševići               | 0,50         | --           | 0,50         |
| 34. | Liješnica-Kuvelj-Šehići                       | 2,50         | --           | 2,50         |
| 35. | Liješnica(M17)-Čehajići                       | 0,60         | --           | 0,60         |
| 36. | Liješnica(podvožnjak)-Polje                   | 1,00         | --           | 1,00         |
| 37. | Međići-Suljakovići                            | 0,30         | 0,70         | 1,00         |
| 38. | Gornja Liješnica(škola)-Stara cesta           | 0,80         | --           | 0,80         |
| 39. | Tujnica-Zaglavica                             | 0,30         | --           | 0,30         |
| 40. | Tujnica-Crnojevići                            | 2,80         | --           | 2,80         |
| 41. | Gornji Bradići-Krušik(G.Selo)                 | 0,90         | 0,30         | 1,20         |
|     | <b>UKUPNO:</b>                                | <b>43,92</b> | <b>15,68</b> | <b>59,60</b> |

### III Održavanje lokalnih i nerazvrstanih cesta

Redovno održavanje cesta čini skup mjera i radnji koje se obavljaju tokom cijele godine na cestama, uključujući i sve objekte i instalacije sa svrhom održavanja prohodnosti i tehničke ispravnosti cesta i sigurnosti prometa na njima. Ovi radovi se obavljaju i zbog mjestimičnog poboljšanja elemenata ceste, stabilnosti i trajnosti ceste i cestovnih objekata i povećanja sigurnosti saobraćaja.

Lokalne i nerazvrstane ceste su dobra u općoj upotrebi u državnom vlasništvu i od interesa za općinu Maglaj.

Iz godine u godinu ulažu se značajna finansijska sredstva u izgradnju lokalnih cesta na području općine Maglaj, kao i neophodna sredstva u održavanju postojećih lokalnih putnih pravaca.

#### Ciljevi održavanja cesta su:

- sprječavanje propadanja cesta
- omogućavanje sigurnog prometa
- smanjenje troškova korisnika dobrim stanjem cesta
- dovođenje cesta u projektovano stanje, uzimajući u obzir izmijenjene potrebe prometa

Održavanje lokalnih i nerazvrstanih cesta na području općine provodi se kroz program:

- ljetnjeg održavanja lokalnih i nerazvrstanih cesta
- zimskog održavanja lokalnih i nerazvrstanih cesta

Period redovnog održavanja cesta traje od 15.03.2025.-15.11.2025. godine, a period zimskog održavanja cesta traje od 15.11.2025. godine do 15.03.2026. godine.

Radovi održavanja cesta mogu biti:

- a. radovi redovnog održavanja cesta
- b. radovi vanrednog održavanja cesta

Radovi redovnog održavanja cesta mogu biti:

- a. popravka kolovoza, trupa ceste, potpornih i obloženih zidova
- b. uklanjanje odronjenog materijala i čišćenje kolovoza i objekata za odvodnju
- c. održavanje bankina, bermi i kosina nasipa, usjeka i zasjeka
- d. održavanje objekata na cestama, opreme i instalacija
- e. izrada i postavljanje horizontalne i vertikalne signalizacije, svjetlosno-sigurnosnih uređaja, zamjena, popravka i uklanjanje oštećene i nepotrebne saobraćajne signalizacije i opreme ceste
- f. košenje trave i održavanje zelenih površina i zasada u cestovnom pojasu
- g. održavanje potrebne preglednosti cesta i oznaka u cestovnom pojasu
- h. čišćenje snijega i leda sa kolovoza i

posipanje kolnika s ciljem sprječavanja poledice

- i. manji zahvati na obnavljanju, zamjeni i ojačanju dotrajalih kolovoza
- j. manji zahvati na ojačanju i zamjeni propusta, potpornih i obloženih zidova i zaštita čeličnih konstrukcija od korozije
- k. manji zahvati na ugrađivanju ivičnjaka i izradi pješačkih staza
- l. manji zahvati na saniranju klizišta i odrona
- m. vođenje podataka o javnim cestama
- n. obavljanje i drugih poslova kojima se osigurava stalan, nesmetan i siguran saobraćaj na cestama

Radovi redovnog održavanja vrše se prema prioritetu te shodno tome prednost imaju lokalne ceste gdje se odvija redovni autobusni saobraćaj.

Radovi vanrednog održavanja javnih cesta su obimniji radovi:

- obnavljanja, zamjene i ojačanja dotrajalih kolovoza
- ojačanja i zamjene propusta i mostova dužine do deset metara, obnove potpornih i obloženih zidova i zaštita čeličnih konstrukcija od korozije
- ugrađivanja ivičnjaka i izrada pješačkih staza
- saniranje klizišta i odrona

Radovi vanrednog održavanja su radovi koji se izvode na cestovnom pojasu, mogu se izvoditi samo na osnovu tehničke dokumentacije, bez pribavljanja saglasnosti i druge dokumentacije prema Zakonu o prostornom uređenju i građenju.

Na asfaltiranim cestama i gradskim ulicama vršiti će se sanacija udarnih rupa, bankina, propusta i odvodnih kanala, horizontalna i vertikalna signalizacija. Na neasfaltiranim cestama vršit će se nasipanje pijeska, sanacija udarnih rupa, sanacija propusta i odvodnih kanala, izravnanje kolovoza te vertikalna signalizacija. Popravka udarnih rupa, oštećenja i drugih izrazito opasnih mjesta na kolovozu obavljaju se upotrebom materijala koji odgovara postojećem kolovozu.

Ako se radovi na sanaciji oštećenja izvode na dijelu ceste sa intenzivnim saobraćajem, isti se moraju obaviti u periodu manjeg intenziteta saobraćaja.

**Održavanje gradskih ulica**, ljetno i zimsko, u obavezi je Komunalnog javnog društva Maglaj. Ovim programom je predviđena sanacija, rekonstrukcija putnih pravaca, horizontalna i vertikalna signalizacija, nabavka i ugradnja slivnih rešetki, poklopaca za šahtove, nivelacija postojećih šahtova i rešetki i slično.

#### IV Finansiranje

U budžetu općine Maglaj za 2025. godinu na poziciji 613 724 „Tekuće održavanje i rekonstrukcija lokalnih i nekategorisanih puteva i gradskih ulica (zimsko i ljetno) po osnovu javnih prihoda i namjenskih sredstava, planirano je **480.000,00 KM** sa PDV-om; i to za radove održavanja i rekonstrukcije lokalnih cesta sa saobraćajnom signalizacijom u iznosu cca 245.000 KM sa PDV-om a za zimsko održavanje lokalnih i nekategorisanih cesta u iznosu od cca 120.000 KM sa PDV-om i za sanaciju i rekonstrukciju postojećih i izgradnja novih cesta i asfaltnih površina u iznosu cca 115.000,00 KM sa PDV-om na području općine Maglaj za 2025.godinu .

Procijenjena vrijednost planiranih sredstava izvršena je na osnovu jediničnih cijena koje su trenutno aktuelne na tržištu.

Općina Maglaj će u skladu sa stvarnim budžetskim mogućnostima prema postupku i procedurama propisanim odredbama Zakona o javnim nabavkama, provesti postupak izbora najpovoljnije ponude za redovno održavanje i rekonstrukciju lokalnih cesta na području općine Maglaj, donijeti odluku o izboru najpovoljnije ponude, nakon čega će se pristupiti potpisivanju ugovora sa najpovoljnijim ponuđačem.

#### V Nadzor

Nadzor nad poslovima svih vrsta radova vrši općina Maglaj preko ovlaštenog nadzornog organa.

#### VI Informisanje

Izvršioci su obavezni dostavljati informaciju o:

- općoj situaciji na saobraćajnicama koje održavaju
- prohodnosti saobraćajnica i prioriteta
- razlozima saobraćajne neprohodnosti za prioritetne saobraćajnice
- kontinuirano informisati javnost o stanju na saobraćajnicama putem lokalnih medija

Prilog Planu i programu održavanja, sanacije i uređenja lokalnih i nerazvrstanih cesta i gradskih ulica za 2025. godinu, prikazan je u tabelama, koje se nalaze u prilogu.

Broj: 02-04-1-1205/25

Maglaj, 26.06.2025. godine

**PREDSJEDAVAJUĆA**  
**Aida Bašić s.r.**

**SADRŽAJ****AKTI OPĆINSKOG VIJEĆA**

|      |                                                                                                                                                             |     |
|------|-------------------------------------------------------------------------------------------------------------------------------------------------------------|-----|
| 104. | ODLUKA o izmjeni i dopuni Poslovnika o radu Općinskog vijeća Maglaj .....                                                                                   | 209 |
| 105. | ODLUKA o usvajanju djelimične Izmjene Regulacionog plana “STARI GRAD ” Maglaj ....                                                                          | 209 |
| 106. | ODLUKA o pristupanju djelimičnoj izmjeni Regulacionog plana “ Centar Maglaj –<br>sjeverni dio ”– izmjena namjene obuhvata zone C1 (Kompleks „Motela“) ..... | 210 |
| 107. | ODLUKA o imenovanju povjerenika MZ-a na području općine Maglaj .....                                                                                        | 211 |
| 108. | Plan i programa održavanja, sanacije i uređenja lokalnih i nerazvrstanih cesta i gradskih<br>ulica sa finansijskim pokazateljima za 2025. godinu .....      | 212 |